

যে কোন ৭টি প্রশ্নের উত্তর দাও। উদ্দীপকের আলোকে 'গ ও ঘ' নম্বর প্রশ্নের উত্তর দিতে হবে।

- ১। **y** ও **x** সহকর্মী। তারা ইসলাম ও বর্তমান মুসলিম বিশ্বের অবস্থা নিয়ে আলোচনা করছিল। **y** বলল- ইসলাম আল্লাহর ইবাদাত করার এবং জাগতিক কাজ-কর্ম সঠিকভাবে সম্পাদন করার বিধি-বিধান দিয়েছে। ইসলাম পরিপূর্ণ জীবনব্যবস্থা। তার মতামত সমর্থন করে **x** বলল - কিন্তু ইসলামের সকল শিক্ষা তাওহিদের উপর প্রতিষ্ঠিত। তাওহিদে বিশ্বাসের চেতনা হতে বিচ্যুতি ঘটলে ইসলামের সুফল পাওয়া অসম্ভব।
- ক) ইমান কী? ১
- খ) ইসলাম বলতে কী বুঝায়? ২
- গ) উদ্দীপকে **y** এর মতামত ইসলামের আলোকে ব্যাখ্যা কর। ৩
- ঘ) ইসলাম সম্পর্কে **x** এর মানসিকতা কুর'আন-হাদিসের আলোকে বিশ্লেষণ কর। ৪
- ২। 'ক' ও 'খ' দুই বন্ধু। তারা রিসালাত নিয়ে আলোচনা করছিল। 'ক' বলল - আল্লাহ যুগে যুগে মানবজাতির হিদায়েতের জন্য নবি-রাসুল প্রেরণ করেছেন। নবি-রাসুলগণ ছিলেন অসাধারণ গুণের অধিকারী। এই ধারাবাহিকতায় সর্বশেষ রাসুল হিসেবে প্রেরণ করেন মহানবি [স] কে। তাঁর পর আর কোন নবি আসবেন না। কিন্তু 'খ' বলল-প্রয়োজন হলে কিয়ামত পর্যন্ত পৃথিবীতে নবি-রাসুল আসতে পারেন। 'ক' তার প্রতি উত্তরে বলল-তোমার কথা সঠিক নয়। কেননা রিসালাতের ধারা বন্ধ করা হয়েছে।
- ক) খাতামুন নাবিয়্যিন- অর্থ কী? ১
- খ) নবুয়তের ধারা - বলতে কী বুঝায়? ২
- গ) রিসালাত সম্পর্কে 'ক' এর দৃষ্টিভঙ্গি কুর'আন-হাদিসের আলোকে ব্যাখ্যা কর। ৩
- ঘ) 'ক' এর সর্বশেষ কথাটি যুক্তির আলোকে বিশ্লেষণ কর। ৪
- ৩। রফিক ও শফিক দুই বন্ধু। তারা আল-কুর'আন সংরক্ষণ ও সংকলনের ইতিহাস নিয়ে আলোচনা করছিল। রফিক বলল - আমরা আল-কুর'আনের যে সংকলিত কপি পেয়েছি, আল্লাহর পক্ষ হতে এমন আসে নাই। বরং মহানবি [স] এর ইস্তিকালের পর প্রথমে হযরত আবু বকর [রা] দ্বিতীয়বার হযরত উসমান [রা] সংকলনের মাধ্যমে গ্রন্থাকারে রূপ দান করেন। তাঁকে ঐতিহাসিকগণ জামেউল কুর'আন বলে আখ্যা দিয়েছেন।
- ক) প্রধান ওহি লেখক কে ছিলেন? ১
- খ) আল-কুর'আনকে আল হিকমা বলার কারণ ব্যাখ্যা কর। ২
- গ) প্রথম কে আল-কুর'আন গ্রন্থাকারে সংকলন করেন? ব্যাখ্যা কর। ৩
- ঘ) জামেউল কুর'আন কাকে ও কেন বলা হয়েছে? বিশ্লেষণ কর। ৪
- ৪। 'হালাল উপায়ে জীবিকা অন্বেষণ করা ফরজের পর আরও একটি ফরজ কাজ।' এ ক্ষেত্রে ব্যবসার গুরুত্ব অপরিসীম। হারাম থেকে বাঁচতে না পারলে অনেক ক্ষতির সম্মুখীন হতে হবে।
- ক) উদ্দীপকের হাদিসটি কোন গ্রন্থের? ১
- খ) হারাম বলতে কী বুঝায়? ২
- গ) হালাল উপার্জনের ক্ষেত্রে কিসের গুরুত্ব অপরিসীম? ব্যাখ্যা কর। ৩
- ঘ) কি কারণে ক্ষতির সম্মুখীন হতে হবে? উদ্দীপকের আলোকে বিশ্লেষণ কর। ৪
- ৫। সূরা আল-মাউন পবিত্র কুর'আনের একটি গুরুত্বপূর্ণ সূরা। সূরাটি মক্কায় অবতীর্ণ। এ সূরা থেকে মামুন শিক্ষা নিয়ে নিজেকে কাফির ও মুনাফিকদের থেকে আলাদাভাবে গড়তে শিখেছেন।
- ক) সূরা আদ দুহা কততম সূরা? ১
- খ) আল-কুর'আনের নামকরণের কারণ ব্যাখ্যা কর। ২
- গ) মামুন নিজেকে কাফির ও মুনাফিকদের থেকে আলাদাভাবে গড়ার শিক্ষা কীভাবে পেয়েছে? ব্যাখ্যা কর। ৩
- ঘ) সূরা মাউন কোন প্রকার সূরা? এ প্রকার সূরার বৈশিষ্ট্যগুলো বিশ্লেষণ কর। ৪

- ৬। সমুদ্র ও সৈকত দুই বন্ধু। তারা মানুষের জীবনের উদ্দেশ্য ও লক্ষ্য সম্পর্কে আলোচনা করছিল। তখন সমুদ্র বলল - আল্লাহ তা'আলা বলেছেন - জিন ও মানবজাতিকে আমি আমার ইবাদাতের জন্যই সৃষ্টি করেছি। সৈকত বলল - ইলম বা জ্ঞানার্জন ছাড়া আল্লাহর ইবাদাত করা অসম্ভব।
- ক) হাক্কুল্লাহ কী? ১
- খ) হাক্কুল ইবাদ-আদায়ের গুরুত্ব ব্যাখ্যা কর। ২
- গ) সমুদ্রের উল্লিখিত আয়াতটির তাৎপর্য ব্যাখ্যা কর। ৩
- ঘ) সৈকতের সর্বশেষ উক্তিটি বিশ্লেষণ কর। ৪
- ৭। Z অবৈধভাবে প্রচুর অর্থ উপার্জন করেছেন। তিনি নিয়মিত সালাত আদাই না করলেও প্রতি বছর হজ পালন করেন। তিনি বিশ্বাস করেন হজ তাকে নিষ্পাপ শিশুর মত করে দিবে।
- ক) কোন সুরার আয়াত দ্বারা হজ ফরজ করা হয়েছে? ১
- খ) সাওমের গুরুত্ব ব্যাখ্যা কর। ২
- গ) হজ সম্পর্কে Z এর ধারণা ইসলামের আলোকে ব্যাখ্যা কর। ৩
- ঘ) একজন মুসলিম হিসেবে নিয়মিত পাঁচ ওয়াক্ত সালাত আদায়ের প্রয়োজনীয়তা বিশ্লেষণ কর। ৪
- ৮। আবরার তার শিক্ষকের কাছে আখলাকে হামিদাহ অর্জনের উপায় জানতে আগ্রহ প্রকাশ করল। শিক্ষক তাকে সর্বপ্রথম তাকে তাকওয়া বা খোদাভীতি অর্জনের পরামর্শ দিলেন।
- ক) আখলাক কী? ১
- খ) ওয়াদা পালনের গুরুত্ব ব্যাখ্যা কর। ২
- গ) শিক্ষক আবরারকে কি অর্জনের পরামর্শ দিলেন? এর তাৎপর্য ব্যাখ্যা কর। ৩
- ঘ) আবরার শিক্ষকের কাছে কী অর্জনের পরামর্শ চাইল? এর তাৎপর্য বিশ্লেষণ কর। ৪
- ৯। গিবত ও হিংসা অত্যন্ত গর্হিত কাজ। এর মাধ্যমে সমাজে ফিতনা-ফাসাদ সৃষ্টি হয়। আর আল্লাহ ফিতনা সম্পর্কে বলেছেন- ফিতনা হত্যার চেয়েও জঘন্য।
- ক) আয়াতটি কোন সুরার? ১
- খ) হিংসা বলতে কী বুঝায়? ২
- গ) উদ্দীপকের আয়াতের আলোকে ফিতনা-ফাসাদের কুফল ব্যাখ্যা কর। ৩
- ঘ) গিবত ও হিংসা কিভাবে সমাজের শান্তি বিনষ্ট করে? বিশ্লেষণ কর। ৪
- ১০। মক্কা বিজয় ও বিদায় হজ্জ মহানবি [স] এর জীবনের উল্লেখযোগ্য দুইটি ঘটনা।
- ক) হিজরত কী? ১
- খ) বিদায় হজ্জের নাম করণের কারণ বুঝিয়ে লিখ। ২
- গ) উদ্দীপকের কোন ঘটনার সাথে মহানবি (স) এর ঐতিহাসিক ভাষন উল্লেখযোগ্য? এর তাৎপর্য ব্যাখ্যা কর। ৩
- ঘ) উদ্দীপকের কোন ঘটনার সাথে মহানবি (স) এর ক্ষমার দৃষ্টান্ত বিদ্যমান? বিশ্লেষণ কর। ৪
- ১১। হযরত উমর (রা) এর ন্যায় বিচার ও প্রজাবাৎসল্য এবং হযরত উসমান (রা) এর ইসলামের জন্য সম্পদ দান ইতিহাসে অমর হয়ে আছে।
- ক) সুফফা কী? ১
- খ) চিকিতসাশাস্ত্রে ইবনে সিনার অবদান ব্যাখ্যা কর। ২
- গ) উদ্দীপকে হযরত উমর (রা) এর উল্লিখিত বিষয়টি ব্যাখ্যা কর। ৩
- ঘ) উদ্দীপকে উল্লিখিত হযরত উসমান (রা) এর অবদানটি বিশ্লেষণ কর। ৪